



集部輯佚文獻彙編

翟金明

主編



國家圖書館出版社

10

集部輯佚文獻彙編

10

中華書局

中華書局出版

(漢)蔡邕撰

蔡中郎集八卷

明萬曆天啓新安汪氏刻《漢魏諸名家集》本

第十冊目錄

別集(十)

漢(十)

蔡中郎集八卷 (漢)蔡邕撰

序		一
傳		二一
目錄		三五
卷一		四七
卷二		八一
卷三		一二一
卷四		一六九
卷五		一八七
卷六		二一七

卷七		二五一
卷八		二八五
蔡中郎集十二卷附錄一卷(卷一—七)		
(漢)蔡邕撰		
(明)張燮輯		
序		三二一
目錄		三二五
卷一		三四五
卷二		三七七
卷三		四〇五
卷四		四三五
卷五		四六五
卷六		五〇七
卷七		五四九

蔡中郎文集序

漢蔡中郎傳邕博學辭章為靈紀十
裔及雜文凡百四篇傳於世傳所載
者釋誨幽冀刺史闕疏陳政要七事
金商門荅災異疏被收時表及世傳
獨斷女訓文選陳太丘等碑文初學
記短人賦總十數篇而已按唐書藝

文志洎吳氏西齋書目茲云邕集十
五卷今之所傳總十卷亡外計六十
四篇其中可疑者宗廟頌贊述武皇
平亂之功又有昊天眷祐我魏之句
蓋以宗廟指魏也又有魏武帝祀喬
太尉文稱丞相冀州牧魏主操謹遣
掾再拜祀姜伯淮碑稱建安二年卒

劉鎮南碑建安十三年薨太和二年
樊按邕本傳董卓被誅邕為王允所
害時年六十一據邕金商門荅災異
被收表云臣今年四十八靈帝光和
元季也董卓被誅獻帝初平三年也
光和元年戊子至初平三年壬申邕
正六十一矣又初年至四年改興平

二年改建安至五季正月薨操薨三
月改建康十月禪子魏王丕即初平
四年是為二十六年太和二年延魏
明帝之二季至是又八年計邕死已
三十六年矣按初平已前操尚在誅
卓之歲操始為東郡太守破黃巾於
壽張至建安十三年操自為丞相二

十一年操自進為魏王亦有魏宗廟
而操不得先稱魏王武帝及武皇也
其姜伯淮鎮南薨葬相後年代差遠
邕安得紀述耶是集也今既缺五卷
矣見所傳者蓋浚之好事者不本事
迹編他人之文相混之耳非十五卷
之本編固矣建安黃初之文體多相

顗復不逮廣披衆集固不可知其誰
之作也偶閱而有得識于帙末天聖
紀號龍集癸亥余月哉生明後八日
海陵西齋平陽歐靜識之序

劔石道人王鎮書

蔡中郎集叙

中郎集十五卷今止傳十卷十卷中
又多疑譌難信者以是知逸亡益多
也中郎嘗歆續漢史記先成十志集
中盖有進十志表云自遭橫禍十志
不傳世所傳獨斷者疑即十志本要
也然不可億定矣集舊無精本頃與

俞子汝成校理汝成又稍稍增定顧
其籍散落既久無從蒐逸補亡耳獨
斷舊附小說今列置卷尾以皆中郎
之言宜彙成一家敘曰邕之文博綜
羣籍究極三才自司馬遷以後世難
其儔矣此宜以德業施於後世何至
卒罹罪籍身名俱滅也嗟乎旣負才

美又保榮名二者豈易得兼哉余觀
邕之著釋詁也足以自明其志矣至
對詔金商又數以直言受禍是果甘
心依附者邪顧不幸而類其跡君子
有餘慨焉蓋惜夫以高才禍身潔白
被污若此也嗟乎董卓挾震主之威
處羣疑之際志歆亟收時望以要結

人心耳豈復為邕計哉夫邕之舉于
卓與荀彧之辟於操一也余獨悲邕
之終不得為彧也豈所謂處死者難
與人之責邕曰出當亂世不審時幾
制于奸人不蚤決斷是矣是矣而槩
以為黨餘禍首則非其情也自邕之
不幸也君子恥談其志行余竊悼焉

故畧著其事實蓋曰中郎之平生有
足采者乃其集則無不頌說歎慕者
余故不備論焉

嘉靖二十七年春中月九日西京喬
世寧景升甫叙

